

米魯

阮學校有一隻校犬叫做米魯。
聽老師講米魯本來是一隻瘦狗四界走，落尾流浪來到學校。
有一個好心的老師收留伊，日時米魯綴老師來學校上班；暗暝轉去老師兜。

米魯規身烏赳赳，從稚稚漢仔到今變做一隻誠緣投的大隻狗，是因為有誠濟人愛伊。

早起時米魯佇學校門口陪阮量體溫，掃塗跤的時伊砵砵從四界看阮掃有清氣無。我和同學有時下課會到學務處揣伊，我誠愛掌米魯的頭攔共伊攪咧，呵佬伊誠乖、誠古錐。

米魯毋若人緣好，嘛誠出名，有足濟老師會買迢迢和四秀仔予伊食，國小的學生來阮學校參觀，遠遠看著就喝米魯。

老師講好佳哉！逐家誠惜米魯，若無瘦狗無厝可歸真可憐！
大家飼狗愛有責任心，袂使隨便放揀個。

米魯是阮的好朋友！



阿嬤的菜園

阮厝後壁有一塊空地，阿嬤逐日透早就佇遐無閒。
阿嬤種誠濟項菜：有甕菜、韭菜、菜瓜、番薯葉、九層塔，
寒人的時就種高麗菜、芥藍仔、芥菜、敏豆、蒜仔、芫荽……

阿爸苦勸伊愛歇睏，阿嬤應講：
「家己栽一攞，較贏看別人」
咱家己種的菜毋但無農藥，毋免開錢買，猶會使送予厝邊，
「我逐日薅草、沃水敢若是咧運動。
一兼二顧毋是真好？」

阿嬤種的菜攞真嬌，逐家經過攞會呵佬，阿嬤聽著誠歡喜，
就順繼挽一寡仔菜送伊。

阮兜逐日攞食誠濟菜蔬，這攞是阿嬤的功勞。

阿嬤多謝你！



難忘的遊樂園

猶閣會記得彼一年歇熱，阿爸厝阮規家伙仔去遊樂園迫迫，阮看著門口的bàng-gà人物共阮攞手，歡喜甲規个人強欲飛上天！一開始，我佢小妹隨去上刺激的鬼仔厝冒險，一踏入去，一陣陰風吹來，蜘蛛絲拋甲規四界，閣暗眠摸，小妹共我的手搦經經，阮一步一步慢慢仔行，鬼仔聲咻咻呻，阮驚甲起雞母皮，跔骨必必掣，到這馬嘛毋知是按怎爬出彼間鬼仔厝的！

繼落來去玩自由落體，機器一開始振動，我就緊張甲心肝頭必嘍跳，目屎強欲輾落來，毋過，我嘛是目屎含咧；小妹佇椅仔一直升懸時就驚甲大小聲咻閣嘛嘛吼，工作人員只好共阮先放落來，真正阮二人驚甲欲滲尿啊！

後尾，阮做伙去坐幌籃仔，風微微仔吹來，幌籃仔勻勻仔升懸，風景嘛愈來愈靖，出來迫迫規工矣，會當坐佇遮好好歇睏，欣賞日頭落山的景致實在有夠幸福～人生中頭擺的遊樂園體驗，實在是真趣味！

